## CHIESE DI SAN MAGNO

et li ordenò etiam in mezo de la città, zoè nel circuito che dovea esser, dovesse edificar una chiesia, in loco dove troveria una niola rossa; et cussì fè, et si chiamò San Salvador. Poi li apparse la Verzene Maria, molto formosa; et etiam, dove trovò una nuvola bianca, edificò Santa Maria Formosa. Ancora li apparse San Zuane Battista, et li comandò dovesse far do chiesie vicine una a l' altra; che fu San Zuane Bragola et San Zacharia, suo padre. Et nota, che di sopra è scripto, come fo edificà per padovani San Zuanne Bragola, et qua pareria fusse da Magno preditto stà edificato; ma si giudica che, dove è al presente San Zacharia, fusse una chiesia sotto do nomi de li ditti Santi. Et satis. Demum, li apparve li xij Apostoli, dove trovò xij grue; lì edificò una chiesia chiamata ozi Santi Apostoli. Et anche Santa Giustina li ordenò, dove troverà vite produr nuovo frutto, li edificasse una chiesia al suo nome; et cussì fue. Et queste edificatione di chiesie per Magno santissimo, si leze et vede per la vita soa; et poi fatto metter queste cosse, venne in Heraclea a morir, et ivi fu sepulto. Poi nel 1206, ne la dittione nona, al 6 del mese